

La BCG augmenta il gudogn dal concern – e curregia ensi las spetgas per il resultat 2015

Cuira, ils 31 da fanadur 2015 – La Banca Chantunala Grischuna preschenta en l'emprim semester 2015 in gudogn dal concern pli aut che l'onn precedent (+1,7%). La fatschenta da credits e la fatschenta ipotecara è sa sviluppada a moda legraivla. Il resultat operativ ha patì en consequenza dal resultat regressiv da la fatschenta da tschains. La BCG curregia ensi las spetgas per l'entir onn da gestiun 2015 en cumparegliaziun cun la prognosa dal favrer.

- Il gudogn dal concern crescha per +1,7%
- Il gudogn brut è per CHF 10,8 milliuns pli bass che l'onn precedent
- Ils emprests a la clientella s'augmentan per +3,0% / las ipotecas per +3,3%
- La facultad dals clients sa reducescha per -2,5%
(il scul monetar net importa CHF 310,2 miu.)
- La dotaziun d'agen chapital extraordinaria (CET 1) munta a 18,6%

«Il resultat operativ da la BCG na mitscha betg da las influenzas dals tschains negativs, vegn però influenzà positivamain dal resultat da ristga sin ils emprests. Per l'entir onn da gestiun spetgain nus in gudogn dal concern sin il nivel da l'onn precedent. En consequenza avain nus curregì ensi nossas spetgas areguard il resultat 2015», han commentà il president da banca Peter Fanconi ed il CEO Alois Vinzens il rendaint semestril.

Ils emprests a la clientella èn creschids fermamain

Il grond augment da las ipotecas vegn sustegnì da las finanziaziuns d'immobiglias intermediadas. Quellas fatschentas influenzeschan positivamain ils emprests en media cun ina vasta diversificaziun da las ristgas.

Facultad dals clients: la performance e las rectificaziuns engrevgeschan il resultat

La facultad dals clients è sa reducida sin CHF 29,4 mia. (-2,5%) en consequenza da perditas da valor e da sculs monetars. Il svilup negativ da las valurs è d'attribuir oravant tut als effects da valutas. Il scul monetar net da CHF 310,2 miu. stat en connex cun la rectificaziun da la fatschenta da Crossborder.

Ils tschains negativs dal martgà monetar sminueschan il tschains da spargn

La sminuziun dal resultat da la fatschenta da tschains da 5,2% pon ins declarar cun la politica dals tschains negativs da la banca naziunala. Quella politica ha chaschunà custs da garanzia pli auts. Quels custs sin posiziuns a curta ed a media vista engrevgeschan cunzunt l'onn current.

En la fatschenta da cumissiuns hai dà midadas

Il resultat da la fatschenta da cumissiuns e da servetschs è sa sminuida per -9,8% sin CHF 52,2 miu. Il retgav pli pitschen da las retrocessiuns ed il regress dal volumen da deposits en consequenza da las midadas da la fatschenta da Crossborder engrevgeschan il resultat. La quota pli auta da mandats per l'administraziun da la facultad ha purtà retgavs supplementars.

La fatschenta commerciala è en il plus

Il resultat da la fatschenta commerciala (CHF +2,9 miu./+31,3%) reflectescha l'augment da las transacziuns en valutas estras en l'affar da clients. Areguard l'ulteriur resultat (CHF -1,7 miu./-21,6%) cunteneva il resultat da l'onn precedent pli gronds gudogns sin investiziuns finanzialas.

Ils custs da fatschenta èn sut controlla

Ils custs currentes han pudì vegnir sbassads cumpareglia cun l'onn precedent. Ils custs da fatschenta pli auts da +0,2% (CHF 0,14 miu.) sa resultan da las investiziuns en products e process novs ed innovativs da la fatschenta d'investiziuns. La relaziun da custs e d'entradas II crescha pervia dals retgavs pli pitschens sin 48,8% (onn precedent 46,4%). En la cumparegliaziun traversala resta la productivitat però auta.

In andament positiv da las rectificaziuns da la valor

Il svilup da las rectificaziuns da la valor sin ristgas da credit na lascha fin ussa supponer naginas ristgas da bonitad pli autas. Surtut en la branscha da construcziun e da turissem s'adatteschan ils interpretiders a la dumonda pli bassa, uschia ch'ins quinta mo cun singulas perditas.

La procedura dal program fiscal da l'USA duai esser terminada l'atun

La Banca Chantunala Grischuna participescha al program fiscal da l'USA en la categoria 2. I vegn spetgà che la procedura da la sedia principala saja terminada quest atun.

Realisà in gudogn cun vender cumparts da Swisscanto per projects da l'avegnir

En l'emprim semester ha la banca realisà in gudogn cun vender cumparts da Swisscanto da CHF 16,8 miu. Il gudogn vegn transferì a las reservas per ristgas da banca generalas e nizzegià per investiziuns en gronds projects.

Il gudogn dal concern è s'augmentà levamain

Il gudogn dal concern ha pudì vegnir augmentà levamain sin CHF 90,0 miu. Il gudogn net avant la furmaziun da reservas e minoritads è creschì per 7,7%.

La dotaziun d'agen chapital è surproporziunala

La BCG preschenta cun il rendaint semestral 2015 in agen chapital (incl. minoritads) da CHF 2'311 miu. Cun ina dotaziun d'agen chapital (CET 1) da 18,6% tutga ella tar las bancas chapitalisadas il meglier.

Curregi ensi las spetgas

La perspectiva 2015 è, resguardond l'emprim semester, cleramain pli positiva che communitgà il favrer. Cumpareglia cun la perspectiva da l'entschatta da l'onn vegn augmentà il gudogn net spetgà per circa CHF 10 miu. sin CHF 170 fin 180 miu. Il gudogn dal concern spetgà da CHF 160 fin 165 miu. è circa tuttina aut sco quel da l'onn precedent. Mess il cas che la dividenda resta tuttina (CHF 38), vegn il gudogn per scrit da participaziun ad importar tranter CHF 70 e 72.

Las pli impurtantas cifras distinctivas da la Banca Chantunala Grischuna

Cifras distinctivas BCG (en CHF 1'000)				
Quint economic	1. sem. 2015	1. sem. 2014	Differenza onn precedent	
Retgav brut	183'359	193'985	-10'626	-5.5 %
Custs da fatschenta	84'897	84'760	137	0.2 %
Gudogn brut	98'462	109'225	-10'763	-9.9 %
Resultat intermediar	91'416	101'316	-9'900	-9.8 %
Gudogn dal concern	89'985	88'472	1'513	1.7 %
Bilantscha	30.06.2015	31.12.2014		
Emprests a la dientella	16'858'639	16'365'226	493'413	3.0 %
Facultad da la dientella	29'403'822	30'156'640	-752'818	-2.5 %
Agens meds (avant l'utilisaziun dal gudogn incl. minoritads)	2'310'076	2'303'678	6'398	0.3 %
Summa da bilantscha	22'695'720	20'591'049	2'104'671	10.2 %
Cifras distinctivas	1. sem. 2015	1. sem. 2014		
Gudogn avant la furmaziun da reservas senza minoritads	104'261	96'816	7'445	7.7 %
Novs daners nets	-310'231	-9'648	-300'583	n/a
Relaziun da custs e d'entradas I	46.3 %	43.7 %	2.6%-P	5.9 %
Relaziun da custs e d'entradas II	48.8 %	46.4 %	2.4%-P	5.2 %
Rentabilitad / ROE	9.4 %	9.1 %	0.3%-P	3.3 %
Rentabilitad sin l'agen chapital dumandà (relaziun Tier 1: 12.7%)	14.1 %	13.9 %	0.2%-P	1.7 %
Gudogn per scrit da participaziun	41.70	38.73	2.98	7.7 %
Relaziun Tier 1	18.6 %	18.9 %	-0.3 %	-1.6 %

Vossas dumondas respunda gugent:

alouis.vinzens@gkb.ch

President da la direenziun generala | +41 81 256 94 26

Il sector Marketing & comunicaziun As gida gugent a cuntanscher il pli svelto pussaivel Vossas personas da contact:

As drizzai a thom.mueller@gkb.ch | +41 81 256 83 11

ubain a plutarch.chiotopulos@gkb.ch | +41 81 256 83 13.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa l'053 collavuraturas e collavuratur (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2015: 12 da favrer 2016
Radunanza dals participants: 19 da mars 2016